

est si semper per eosdē parallelōs transirent, uerū cum in mathematica compositione ostenderimus, quod & fixarum sphaera incidit in sequentia mundi circa tropica & æquinoctialia signa, & haud quaquā circa æquinoctiales polos, sed circa eos qui in medio sunt circuli per Zodiacum, quemadmodum & errantium, non possunt eadem astra semper in eisdem locis supra uerticem esse, sed necesse est, ut ex ijs alia transeant ad loca prioribus septentrionaliora, alia uero ad australiora, superuacua nobis uisa fuit ea descriptionis additio, quum secundum talem hypothesim, si super sphaera stellata, positionē ipsius in temporibus quaesitis, ad circulum qui per ambos est polos constituerimus, totamq; circumtulerimus ad permanentis meridiani diuisum latus, facile considerare possumus signū ipsius totidem ab æquinoctiali distare partibus, quod & perquisiti loci, ad eadem ipsa parallelus, obiterque deprehendere, num omnino nulla ex errantibus stellis per signū illud incedat, seu una aut plures, & quānam illa existat. Quibus ita praefinitis, iam ab alio inchoandum est proposito.

MVNSTERS.



E eadem bis ponamus, remittimus lectorem pro sequētib; huius libri capitibus ad tabulas geographicas. Posuimus enim in illis tituli loco, tabulae cuiuslibet tenorē, nempe prouincias, terminos & ciuitates insignes atq; earundem diei longitudinem maximam & distantiam ab Alexandria. Vbi notandū, longitudinem Alexandriae esse graduū 60. & minorum 30. Vnde si alicuius alterius urbis longitudo hac minor fuerit, distabit ab Alexandria uersus occasum: Sin maior, uersus ortum locabitur. Quantitatem longitudinis disces, quindecim partibus differentie horam adscribendo, & cuiuslibet parti quatuor unius horae minutias, quod & in alijs quibuscunq; tuar

regionis urbibus obseruabis. Maxime diei quantitatem sequens tabella edocet. Assumpta enim urbis alicuius latitudine & in hac tabella quaesita, mox ostendet diei maximam in horis & minutis longitudinem. Vt si latitudo alicuius loci fuerit 50. graduū, diei illius maxima longitudo erit horarum 16, & minorum 10.

Gradus latitudinis.

G 5 10 15 20 25 30 35 40 45 50 55 60 65

Quantitas maxime diei.

H 12 12 12 13 13 13 14 14 15 16 17 18 21

m 17 35 54 14 34 58 24 52 26 10 8 50 50

EVROPAE TABVLAE SVNT decem, prouinciae triginta quatuor & ciuitates centum atq; 18, quae scilicet signate sunt in tituli loco cum diei longitudine & distantia ab Alexandria.

Prima Europae tabula continet duas insulas Britannicas. Vide infra primam Europae dictam tabulam.

Secunda Europae tabula complectitur totam Hispaniam, in tres prouincias, nempe Beticam, Lusitaniam & Tartaconensem partitam. Vide infra.

Tertia Europae tabula continet Gallias in quatuor prouincijs, Aquitania, Lugdunensi, Belgica & Narbonensi.

Quarta Europae tabula continet Germaniam magnam cum insulis adiacentibus.

Quinta Europae tabula complectitur Rhetiam, Vindeliciam, Noricum, Pannoniam utranq; &c. uide infra.

Sexta Europae tabula continet totam Italiam & Cynnum insulam, &c.

Septima Europae tabula complectitur Sardiniam & Siciliam insulas.

Octaua Europae tabula continet Sarmatiam Europeanam & Tauricam Chersonesum.

Nona Europae tabula continet Iazyges Metanastas, Daciam, utranq; Mysiam, Thraciam & Chersonesum.

N Decima